



日本野史

和書門類			
一五九〇	二〇〇	二〇〇	二〇〇
函	架	冊	類

内閣文庫		
一五九〇	二〇〇	二〇〇
函	架	冊
和書類		

内閣文庫		
番號	和 15190	
冊數	200 (81)	
函號	139	3








野史卷一百一十三



源忠彥 修



武臣列傳第二十一

上杉輝虎

輝虎本名景虎越後人長尾為景入道道七二

男也老師物語作三男武小字猿松丸老師物又虎

千代北越杉系圖亨祿三年生系圖甲幼而性急有膽

敢往軍談明甫七歲入林泉寺八歲為加治春綱猶

子徙居淨安寺在古尾郡根尾

○武邊吐聞書云猿王幼而聰明伶俐膽太也屢
恃戾父為景之意將為僧遣之下越後掾原淨安
寺時年八歲

天文七年林泉寺住持天室為請為景令得歸城終軍
十一歲父為景死于役兄晴景繼立性柔順懦弱隣
里慢侮之猿松雖幼勇略超人迨十三歲觀其家政
而歎曰君弱臣驕衆庶懷貳吾而弗取國其卒亡也
乃始謂老臣曰吾今無所求于世願為僧遠游四方
於意足矣老臣素忌憚之喜其自出佯止之弗可遂
出削髮更名宗心房廻歷諸列專視地理察人情登

比叡山寄食南谷榮光坊

軍終雜雜拾
遺碎玉話

○老師物語云天文十一年春胎田常陸父子謀
逆弒景康景亮與次兄景房據二郭逆堂來福之
景房亦死之景亮將死小嶋勘左衛門強諫宵遁
于本莊美作掾尾第常陸入牙城益遲逆威尋景
亮以湯殿山行者真海為先導經廻諸列或告之
常陸天文十三年常陸一族襲掾尾第上田入道
後援擊卻之常陸侑有黑瀧新山等諸城跋扈國
中越中人神保良衛與常陸通謀蠶食國境天文
十四年九月常陸父子率騎兵一萬八千襲掾尾

柳碕彌三郎殺常陸彌三兄和泉守亦起兵掠畧

山東郡邑

會字佐美良勝或作名避亂在烏猿松就見之良勝

悅其為人授以兵術與謀復歸明霞集良勝父名孝忠

稱越中守為上杉房定老臣永正六年河越之戰孝

忠良勝率兵赴戰援顯定迨為景弑房能良勝確立

擁定實為主而後定實與為景講和良勝猶不屈迎

立顯實據松山城永正大永之際與為景抗衡大永

元年上杉憲房為媒令良勝與為景行成及憲廣繼

立足利高基授軍配扇於良勝上杉氏之不殄特因

良勝之功云武邊吐天文十二年猿松立良勝為軍

師募兵一千餘復歸于國長尾景連等亦遣使迎入

猿松于藏王山城軍談文集八月元服名景虎稱字平藏

藩翰譜十三年先是晴景懦弱無復讐志諸老憂之

慕景虎勇傑九月遂令晴景辭而立景虎為主始景

虎之所放也途踰米山嶺小憩一草堂眺望頸城府

內攬淚謂曰吾如成長舉旗則以此地為戰卷矣左

右掩舌曰請君莫遺斯言至是果歷米山嶺遂入誅

不服藏鳥軍談文集

○武者物語鈔云為景有二子曰六郎性柔順曰

猿松性強暴其父憎忌遂之及為景戰死六郎繼
家更無復仇之意隣邦輕侮之屢侵掠采邑猿松
歸國而起兵討父仇臣庶猶不心服猿松曰我今
報仇而莫念家國欲赴高野而為僧矣或諫之不
可出行二三里程諸臣追慕諫止曰君去則國乃
為他之有矣猿松曰然則可從我言乎僉曰諾於
是復歸斬戮不恭使六郎辭而自立○武邊吐聞
書云初猿王留學淨安寺九年所更無洙衣之心
迄天文十四年四月父為景死于越中兄六郎繼
祀猿王時十六歲聞訃憤惋竊憑宇佐美定行議

復讐定行亦愛其將器親昵之天文十六年正月
猿王十八歲元服名景虎稱平三四月九日終三
年之喪揭旗據椽尾城定行及本莊美作為之輔
翼六郎聞之恚使妹婿長尾政景率兵七千攻椽
尾一日景虎自擗上望見敵陣曰今宵敵去矣可
尾擊焉定行曰敵歷長途來胡為其去矣曰我望
敵營莫有緇重是以撒之定行曰善半夜發兵掩
擊之政景敗走追躡到柳碕下濱六郎亦將兵八
千來擊定行等奮鬪復破之六郎歷米山而退府
內景虎揮麾先驅追尾到米山東坂而謂我欲駐

頻也卽入路傍民舍而眠定行警謂方今破竹之
勢得府內如指掌促之數日猶不覺衆相目危懼
景虎意謀六郎兵踰米山為其三分之一處起吹
螺搏鼓追登果如所度六郎既向下嶺急追蹤自
龜割坂迄麓死傷七算定行稱歎謂神乎鬼乎何
智謀之傑出也景虎入府內謂衆曰我欲入高野
出到關山諸老昏議曰無景虎則一列為他人有
矣乃追蹤把袂而止景虎需載書老臣二十六人
載盟書入春日山城與上杉定實謀鎮平一列政
景乃服糾累年不義驕奢者十六人之罪悉殺之

林泉寺而自謂殺兄立子孫者不悌也乃剃髮持
戒云○宇佐美定祐說云謙信母賤為父所逐八
歲而與從者金津新兵衛潛居椽原尾歷九年迄十
四歲父為景弒顯定以六郎為嗣與上杉氏累世
諸士通謀議起上杉氏無幾為景遇害天文三年
兄六郎使姊塔改景政謙信謙信與之戰克遂拔
府內城殺六郎而謂殺兄篡家國不免奪嫡之罪
我無念家國乃出家為僧號宗心將赴高野山臣
士諫止載盟書截後嗣懺悔殺兄之罪斷肉色終
世持戒更名謙信或云父遇殺兄六郎非保家之

畧家人推謙信為主謙信自誓却兄而繼家傳我
子孫則奪兄之勢也是以不媼婦女○夏目定房
記云六郎者謙信弟也姊塔改景謀滅謙信立六
郎永祿八年改景溺死于野尻湖水其後托殊罪
坐六郎明年病死云

天文十四年先是姊夫長尾改景強勇有勢領兵八
千慢侮景虎欲滅之而併其邑率兵來擊景虎兵僅
二千能捍戰改景不利將帥軍良勝見機勸曰請追
擊之景虎曰未可良勝曰他事唯君命軍事在老臣
謀景虎曰御言必有度吾亦有所慮請見我所置當

改景七千騎兵其半班旌旗景虎奮曰今當縱擊之
期也躬自揮麾奮迅追擊改景敗走勢屈遂降藩
藩十五年景虎善用兵衆畏服莫敢違命者兵力日
強悉徇越後出師於加賀能登入越中為父吊戰示
軍於佐渡藩藩藩

○老師物語云天文十五年五月新發田治長為
旗頭拔菅谷安田村松本莊美作亦屠刈輪而迎
景虎于府中城

當是時武田信玄兵威方強村上義清與之戰敗頻
年國竟沒來客越後謂景虎曰臣嘗在君宇下而不

自圖抗先君又不知君德而久弗從夫以二君亡我
豈其所難乎而假以國今遇武田一戰即亡而後乃
知君之德大也故敢來願君矜無智而宥舊科使得
隸麾下然臣罪大矣即以賜死唯命是聽抑君愍其
不第若為臣復讐使改事君死且不朽然非敢所望
敢布腹心淚滴而下景虎慨然許之乃曰足下喪國
固非戰之罪惟時為然而足下不以吾非人推誠以
告前事何狹挾焉夫先人之見背嗣子弱諸臣驕亡在
旦夕故吾舉兵誅賊賴天之靈祖先之德國以安輯
然越中未悉此為先人所遺憾故吾欲先拔之然後

畧取諸國以霸海內是平生之志也足下亦非後人
者且非素好而來歸是真知己吾何能已吾雖不肖
不敢盡力哉因問信玄用兵何如曰信玄臨戰小敵
不輕大敵不憚景虎曰彼能持重我亦用奇耳明霞文集
十六年二月景虎出兵於越郡攻三條城根小屋分
隊為三列圍城終拔之置成而還老師擇精兵八千
入信濃與信玄遇于海野平前軍接戰甲軍死者一
百二十餘越兵亡者二百六十餘人而交結軍談蓋
與信玄結兵之始至連年終不解翰譜十七年正
月高梨源三郎屠新山城五月景虎攻黑瀧城三日

二夜終屠殺寇徒飯沼賴清亦據山東郡拒景虎景
虎復伐平之物詔是月遇信玄于小縣義清請戰景
虎均詢之良勝良勝曰臣觀彼陣非可輕擊者請莫許
乃歸文集八月出兵于越中軍談十八年四月軍于海
野平遣使謂信玄曰我聞卿之師諸侯莫能當矣吾
來數回而未肯戰何持憚我我與卿非有怨仇特為
村上氏耳彼亦嘗抗我我以其弱故假緩之彼不事
大國素其罪也而卿何侮弱一戰輒亡之今彼自悔
謝罪于我我愍其窮又惡卿之若是是以來也若卿
不欲戰則須歸地於村上氏不然詰旦必相見信玄

不肯軍談十九年五月遇于佐久景虎令謂信玄曰
對抗已四年未決雌雄此行冀並轡相見信玄曰諾
乃刻期見曰莫令義清復故地之意則我與卿可不
戰也景虎弗聽乃接兵刃不決而罷國史實錄九月
復對師于海野平又不戰軍談二十年八月上杉憲
改為北條氏康所逐來奔越後長尾氏以為奕世親
屬托景虎以復讐景虎既許義清而未遂越中亦尚
固然欲以掩其弒篡也復許憲政憲改讓其管領併
予其族及錦幢系圖以啗之於是冒上杉氏更名改
虎稱越後守館憲政於北川善遇待之軍談集二

十一年三月薙髮號不識菴謙信軍談松定漫錄文集尋與信
互相抗于常田在信濃小縣郡姊夫政景擊破甲六隊小山
田昌辰死甘利昌忠馬場信春等代戰政景敗死者
七百餘甲兵死者三百七十限地藏嶺而罷寶錄漫錄文集
四月謙信以長尾謙忠為先鋒齋藤朝信為後拒率
直江實繼柳碕景家河田親章騎兵八千抵松井田
以安中春綱廣盛為嚮導圍平井城日夜攻之北條
長綱拒備會城中疫痢兵疲勢屈宵遁走松山城謙
信取其城氏康率師入松山嚴戒不敢出兵謙信令
謙忠北城長朝及白井足利太田長野等保平井城

而旋軍漫錄二十二年閏正月大將軍義輝使一色藤

長杉原孝盛謂謙信曰往歲鎌倉成氏私誅上杉憲
忠而來君臣矛盾數年乘其弊弊北條長氏蠶食豆相
二列今速氏康三世跋扈八列漸服其威望頃聞景
虎為兵部大輔憲政猶子運逆敵征治之策政虎英
傑稱徧天下殆可感也且興隆廢家而鎮平山東謙
信拜稽首曰憲政漂泊當國策管領職於臣委以上
杉氏再興之事臣不得辭是以去年發軍於西上野
取其累世居城平井憲政間愁眉一端不圖嚴命爰
殊他日勵武平治東陞而入洛執拜超之禮奉管領

補任之命也。因厚饗兩使，獻馬及蠟燭于幕府，贈白銀五百兩於藤長孝盛。軍談武德編年集成四月，謙信入平升城，與國人盟，將攻足利。時氏于古河，此時太田三樂與里見義堯通謀，千葉利胤為氏康妹塔頻年警衛古河。與里見氏為宿讐，聞義堯通于越，馳入於小田原。使氏康出師于神流川，自率騎兵六千濟荒川而抵村岡。磧族援兵謙信在平升，聞報乃以三樂為魁帥，長野業正次之。及濟境，川深谷本莊高山等先出，叱河岸謙信，謂景持曰：「北武國人遮中路，汝以遊軍擊焉。」景持乃率隊下赴，擊走之。謙信劾其所獲首級。

於村岡磧會赤井法蓮、富岡重正、長尾景朴、佐野昌綱、長沼俊宗等騎兵五千餘來援。謙信令之代三樂業正而與千葉兵相抗。原胤繁土氣東，金酒井等隊伍忽敗，退長尾。改勝齋藤朝信等擊利胤中軍，利胤躬自把刀拒戰，被傷二三所，縋以身免。走于下總，是戰獲首二千餘級。而聞氏康師三萬發，小田原持戰遣歸，傷者千平升。謙忠等叱藤岡川南野，以備氏康。氏康中途回師于小田原。漫談錄八月，謙信猶在平升城巡視二野郡境，自桐生將踰佐野。天明，率逗兵二千過新田，領廣澤境野，抵足利八幡，路途狹隘，不

辨地理左右皆山壑蹂踐田圃荒暴黍稻金山健步
長金升左衛門佐為乍候在廣澤茶磨山寨聞謙信
行軍出雨宮立騎於阜塊而見謙信先驅枿碕景家
遣人詰其無禮對以姓氏曰我警衛此山寨由是到
足利橫瀨長尾氏邑也請禁侵暴也謙信冷笑曰對
我無禮不可不誅乃遣健夫令犯其寨左衛門返騎
逃神明杜追急遂鬪死使景家焚其寨獲首級梟之
足利境固碕山而抵佐野昌綱迎接入朽木城歷三
日携昌綱弟綱千代而歸平升令西上野人攻金山
城城兵能拒自暗澤就東路夜襲之不利而退漫錄二

十三年三月出軍於魚津越中與板屋政廣戰軍略岩
瀨滑川物老五月出師于川中島與信玄抗衡六月
率步騎一萬三千將縱火於清野邑信玄令馬場信
春備之謙信不戰而罷軍談軍鑑
上杉家說

○盛正記云天文二十三年八月十五日景虎出
川中島齋藤秀明為遊軍長升為賓在信玄隊中
云是戰作永祿四年九月十日誤也○武邊吐聞
書云天文二十三年八月十八日謙信與信玄相
擊于川中島御幣川中是日接戰十七回謙信勝
十一信玄勝六回云○上杉家說云川中島大戰

是年八月十八日今按諸說信繁以永祿四年戰
死姑係永祿四年族裔者後考

十一月出兵攻三國寨軍弘治元年四月與信玄戰

于户神山軍先是氏康率師一萬五千陣于厩橋城

在上野摩馬謀伐佐野足利青柳等使倉内城代猪股則

直攻大天胡山上二城大胡信綱出降山上氏秀棄城

走五月謙信抵平升軍議大胡信綱遣使曰請先鎮

平江户而闢佐野足利之便路謙信使業正謙忠厩

厩橋城自踰利根川侵伐上泉拔桐生直綱屬下善

城逐山上戍兵令大胡民部左衛門保鳥將發桐生

以道路險阻轉屠仁田山家運城而收軍于平升會

佐竹義昭遣橫倉則珍約和親謙信喜令千坂憲清

答其好漫錄而入越中攻魚津城拔之誅戮父為景仇

敵板屋政廣漫錄談十月歷三國嶺出猿京在上野是

時氏康在倉内城謙信抵沼田出健步挑戰為是地

也拘利根川片科川深泥粘土不可戰適謙信有疾

而罷漫錄二年三月二十五日夜謙信濟筑摩川與信

玄戰接兵刃迨明日都七回甲前鋒自户神山廻將

夾擊令良勝備于市村渡口濟摩川而張營不決而

還編年集成
以聞書

○按編年集成吐聞書武隱叢話載是日戰甲裨
將山本道思板垣駿河室住亮定初鹿野源五郎
一條六郎等及兵卒四百九十一人戰死今据甲
斐國志係之永祿四年之戰

是月三樂琛山東國人曰景虎既受憲改讓稱上杉
氏則是關東管領也不遺累世之親好而宜屬之樹
勲功也於是成田長泰等來屬者多實錄六月謙信抵
平井促河西先方及岩槻佐野足利等兵與氏康對
抗于北武數日氏康引歸謙信亦收軍于平井是役
三樂為魁軍或流言三樂通相謙信僅與十許人赴

三樂陣雜談戲笑三樂庶長子資時時歲十三侍坐
謙信舉扇招之執其手曰健矣哉童當為我子矣令
認我營也乃携而歸巷說忽止錄是秋氏康在倉內
城謙信馳至沼田自十月抗衛先鋒徒步接矢丸未
及交戰謙信患熱疾引軍而回漫錄三年春信玄圍
攻長野業正箕輪城謙信率軍而入信濃四月信玄
拂陣謙信與之對抗于川中島村上義清為先鋒涉
水作偃月備二行信玄乍候報曰敵出多採薪意為
長陣矣信玄曰否不日而敵陣必發火諸部慎莫遽
出黎明越營果出火謙信倚胡床以俟信玄固制甲

兵不出歷數日而後甲陣縱馬逸入越營圍人輕卒
十人許追到謙信制衆曰彼必有術耳莫輕出信玄
固備而待兵不出故罷二十三日信玄去明日謙信
亦回師記盛正五月謙信收軍而入高升郡經鳥升嶺
欲入平升而伐金山桐生出旗于河原土地險隘屢
雖出兵不有利是時謙信與乍候二三騎廻視數里
桐生兵謀狙射擇銳手三人令伏山陰謙信被半首
騎連錢駐馬率鬼小嶋家正山吉豐守宇野親朝城
意安前登與伏相距數町有一武夫自間踏出俯伏
曰臣籠澤景次也此地險隘請勿攀君每輕騎巡

有恐術

視不虞變已測矣臣嘗歎今果將有變是以報烏謙
信喜遽命搜伏兵斬之厚賞景次漫錄永祿元年春信
玄使長延寺僧實了約和親輝五月謙信與信玄相
迎於境隔筑摩川相見甲越士民皆喜迨期迭備胡
床於河岸共騎携從士五人而出謙信先下騎而倚
床信玄曰恭哉容汝馬上相語謙信怒即上騎直歸
營遣使責信玄無禮信玄對以謾辭謙信愈怒相持
七旬而歸軍談文集七月謙信自津川口侵伐會津與其
裨將猪苗代盛國戰大得利蘆名盛氏乞和親乃還
附侵地而相約謂戮力偕鎮平東列漫錄十月謙信抵

平升十一月巡視東上野築奧澤寨以迫金山城橫
瀨成繁勢屈使金龍寺僧依長尾景朴乞和送質子
使大胡信綱為桐生嚮導命西上野人與柳碕景家
夏目定盈等兵二千自黑川口令神梅郡勢多豪族愛
久澤能登守等設石弩坎穿干險隘景家整旅破桐
生後門會金山和平成桐生直繼及澁川義勝與乞
和而皆來屬而使赤井富岡佐野等為先鋒伐小山
改昭于抵園城臨戰乞和乃收質子進兵於河內郡
戊壬生綱房于鹿沼下之伐宇都宮廣綱於其城欲
關常陸便路遣橫瀨成繁兵攻赤垣日向守寨又頌

兵侵伐真岡多劫上參河等子城三樂廻策悉乞和
屬平迨歲暮收兵於平井漫錄二年春氏康使氏政率
師三萬五千正月分隊作二攻椽木城野下佐野昌綱
剛勇不撓防禦盡術譙信聞警自督逞兵八千距椽
木五里藉陣營自出候敵稱昌綱寡兵不屈歸營誠
衆曰設令雖碎敵營馘氏政令昌綱死城陷則猶不
後援也為世指笑不若懸運於天衝敵入城為弓箭
美譽矣乃使長尾政勝藤景等對敵二月十九日黎
明不擐甲胄而黑棉胴服白綾包杜騎驪馬把十叉
槍擇精兵各以白布抹額士卒僅四十五人斫敵陣

營北條綱成等相呼曰謙信謙信皆避之無敢支招者昌綱令混甲數十騎邀之執轡攬淚謝之氏改綱成等議久陣則必有變矣收軍於古河越軍及佐野兵追擊獲敵首一千三百七十餘級軍談漫錄是春常山記佐竹宇都宮多賀谷益子等連署遣使謂謙信曰小田天菴黑子敗軍之後通小田原而還住小田城多氣貞國江戶通房千葉利胤等及相馬治胤相約應援而議復出軍頃歲小田武威頽雖衰微故家也且天菴亦有度量累世士卒勇銳者多保有家國度幾謙信出師滅天菴則我儕永交和莫有異心矣謙信

乃率長尾黨及新發田杵碕等八千餘由宇都宮氏家抵小田領陣于山王堂真壁郡實四月二十七日夜也此地山聳崖低而深泥隔一小河東面有方三十町曠野謙信陣于此天菴聞之率逞兵三千過大嶋酒寄濟筑輪川二十八日曉抵山王堂芝野後流河而屯相尾村南辰牌謙信督軍縱銳矢凌淤泥接戰天菴前鋒菅谷政貞信太賴範等拒戰越軍競擊天菴濟筑輪川而退馬渴飲之河上越兵追尾射之不傷還小田城守禦會連署諸將來會倂兵圍城數日天菴力盡將自殺賴範苦諫出走自代天菴自殺城

陷讓信授之多賀谷真壁明日旋軍于平井尋歸越
後天菴亦逐成復小田城漫錄讓信歸國與政景良勝
議欲建幕府於山東自為管領而討小田原遣使於
京師請依故事植公子以鎮關東大將軍義輝弗聽
卽請奉關白藤原前久子尚九年幼亂請父子義輝
許可使大和孝宗護送之九月前久父子抵春日山
道澄法親王左兵衛督平時秀刑部卿入道永紘及
家司進藤長英等陪從焉

○松隣夜話云天文二十年九月讓信欲迎近衛
殿遣僧蓮譽及長尾景征于京師通旨於織田信

長信長應諾使瀧川某護送路途二使入京師請
之於近衛殿近衛殿難之累日不決景征強請不
止終奉近衛殿季子松丸而歸松丸時十二歲云
今按年月及請織田氏事差謬故不取

十月讓信奉前久抵上野以平井城淺陋入桐生城
攻小幡日向于高津城屠之荻谷太郎左衛門望風
以木澤城而降人使新田足利小股警衛桐生城殊
命諸將令盟和好令本莊繁長為先驅攻那波城那
波宗久子宗安剛勇善鬪繁長亦銳士時年十七自
先登揮槍勵衆遂獲宗久宗安走乃令北城長國守

繫恐敵言之訛

為桐生繫衛而攻福嶋賴季于厩橋城賴季乞和而
歸小田原令長尾政勝等保之又使善宗次等拔伊
勢碓城謙信自以大胡信綱為御導分景家及宮部
長實本間資久等自沼田莊倉內城後門攀戶神山
投擲木石於臼根川放矢丸攻擊猪股範賴力竭乞
降走小田原森下那吳挑小河岩櫃等城寨皆次降
利根吾妻二郡盡平又轉軍於初木拔飯野女洲小
城予之毛呂因播守加之館林轉入北武藏而攻忍
城此地前門路狹隘左右泥沼不可涉廻長野口焚
民舍而出碓玉村登丸墓山地藏堂下熾縱火於城

外及下忍埒田渡口將以水灌攻之成田長泰送質
乞和同軍三樂亦拔松田腰越二城武並在深谷本莊
鴻巢土豪皆歸服而後壞桑平升城而修厩橋城領
賞新故將士漫錄三年二月氏康聞謙信將有事於
小田原馳使乞援于信玄信玄遣初鹿野忠次青沼
忠吉率騎兵二千二百赴援焉信玄亦踰碓氷而陣
于輕井澤為聲援漫是月謙信發厩橋先是自欲伐
小田原遣探者窺聞氏康常好奇乃曰彼而用奇我
則持正人或以星變告乃問之良勝良勝曰臣聞之
凡星變以方占今星見于相分野北條氏當之謙信

曰大抵占語好吉諱凶不可用且使彼凶我吉天時
弗如地利相摸未可伐也集三樂亦率兵唱曰八列
城寨如有磨鏃挽弓者悉擊戮茂有攸赦勇銳雷動
小幡大石見田白倉藤田長尾三浦岡崎宗龜寺那
須清黨等悉衆來附二日間競會者七萬餘松隣於
是謙信抵松山城檢點所會諸將七十六人步騎總
九萬六千及新附兵士一萬七千號十一萬三千餘
自關戶分路經武藏野所在城寨望風靡偃不從者
皆蹂躪颺言曰屠小田原滅北條氏在此一舉也因
自稱關東管領欲因故事修拜賀禮於鶴岡八幡祠

然近郡皆隸小田原慮氏康遮路故先議進攻謙信
陣于高麗山趾宿禰先鋒既到大磯小磯左右後隊
暴列山野松杉變為旗幟擇三樂為第一魁勢威壓
八列山海兩道亦望風塵漫錄三月諸部前抵小田
原氏康不肯輕戰戒嚴下令曰謙信猛勇絕倫然智
慮淺短血氣制人不能久持汝等莫與浪戰而族其
情擊之則彼必自潰矣以候不虞之變漫錄北條
信五代亦叱輕井澤飯富虎昌曰謙信兵士日滋加氏康
滅亡可立而待烏不如與氏康約夾擊獲謙信必矣
信寶錄不聽代記五謙信押師而進城將松田憲秀拒

之塗三樂先驅倣兵馬作筏涉酒勾川士卒爭先瞬
息皆濟憲秀退入城進薄蓮池小田原城東讓信親每在
二陣繞騎脫曹以白布裹頭揮朱麾馳驅指揮諸隊
傍若無人軍鎧將士震慄或謂斯人暴猛雄偉然死
期不安矣衆心疑懼當是時忍小幡長尾白倉之徒
通小田原陽會合以謀狙隙襲中營謙信明敏佯為
不知密諭甘糟景持遷近衛殿下營於楯無山使良
勝及上村甚右衛門為之警備親自以直江實鋼及
景家為左右翼前到蓮池門前曰敵若出則相繼進
決雌雄于一刹那矣城兵不敢出讓信和營於池邊

喫茶城中連發銃矢相距三十間餘傷射向袖而已
猶自若服三點顧視寬悠無事左右從者矢九數摺
鬢髮莫一俯伏者命次隊從銃閉塞出郭樓櫓而歸
中營景持及北條伊豆長尾政景等為後拒部伍肅
整懷武者不能窺隙三樂亦選騎謀誘白倉丹波到
中軍而禁錮之或之是時氏康遣人憑三樂以二十
西上野附憲政謙信應諾而去
三日實錄五代記謙信度小田原難急陷佯尚九分
隊伍列鐘鼓而解陣兵勢恰如岫雲帶雨起暮山夜
昔鶴岡八幡祠行并賀之禮是日千葉邦胤與小山
政種相爭坐次讓信曰介殿可為諸士之上小山殿

不可為諸士之下也是日田長恭特仰視讓信體貌不恭謙信忿罵曰子何無禮舉扇擊其面再長恭恚曰我亦一城之主五百騎之將寶錄作千騎豈辱至此哉不告而去諸將相視亦各率部下解散事發遠卒蟻羣豪族或壓讓信粗暴一時瓦解其寨麾下萬七千士卒隊列稍亂或相殺輜重多奪於土民軍談文集

○松隣夜話云讓信擁殿下指鶴岡良勝諫曰事竟則遠去恐生變弗聽是夜次關山曠野先令諸部遣歸平井所從者加治内匠柴田大學良勝實

綱本莊清七河田親章長尾景征中條五郎右衛門及三樂騎兵總八千餘時三月二十二日子刻有敵來急圍數重縱銃掩擊先是讓信忿長恭無禮搏之長恭憤惋募其族及武列千葉清黨來襲讓信意謂長恭所為矣遽傳令與新發田河田固陣于平塚尾以蒞東明良勝中條等拒戰擊卻之獲首級是時長尾傳左衛門掌輜重為敵所奪讓信怒斬傳左併殺從者二十四人次日歸到葛見張宴犒勞將士讓信率餘眾而發敵裨將中條出羽守率兵自江戸

城發追尾到府中殺傷頗多豆相歸到厩橋霸業是以壞矣關白前久及憲政憂之使三樂景朴求和於諸將憑里見義弘佐竹義昭宇都宮廣綱和順之故大半復故然結城小山千葉小田及西上野北武藏國人等弗應漫錄文集

○松隣夜話云謙信歸平井下令免租稅年三年以賑窮民使枡碕景家為厩橋城代而歸越後五月和田業繁以高碕城私應而與深谷倉賀野高山等通謀議攻策輪城業繁弟喜兵衛自幼為謙信近侍如高碕聞其計議遣使於厩橋曰冀假兵急拔

城事不難書以贈同僚小野傳助謙信率兵出會喜兵謀泄出奔遇之于烏川告狀謙信愈躬自斬二人而謂出兵于此無為而回則人必排擄我我有所思兵雖寡少不論勝負一戰而後有奇計也馳到高碕親揮槍薄前門直江實綱大關親益等肉薄突破二城戶迫牙城謙信以兵寡眾邁命焚羅城引兵而還漫錄八月擁前久尚九歸于越後漫軍談錄永祿四年謙信欲護送關白前久而執謁幕府遣使於甲曰我將述職以國托卿請勿侵分國肯否信玄對曰諾勿勞心乃以三月發越後以寶綱景家為前驅齋藤朝信河

田親章為後拒步騎總三千護送前久尚九由北陸
道如京師松永久秀囑三好長慶不許寓京師而實
諸大津國史實錄作寓四條今從澤家手錄武德叢話長慶導謙信詣幕府
獻越後布良馬金銀大將軍義輝賜其名一字更補
關東管領賜錦直垂聽朱麾文裏書篋輿朱柄傘白
傘袋等加相伴眾賜菊桐引兩記號叙從四位下任
彈正大弼改名輝虎尋參禁闕賜天盃及御劔軍談

系圖足利
李世記

○潘翰譜引夏日記小田原記云謙信初參內
天皇勅感賜長光太刀黃金香盒薰香等大將軍

義輝亦為致坐于三好義繼坐上賜錦直垂朱麾
聽塗輿按事狀似有差

他日謙信獨詣幕府竊謂義輝曰長慶久秀驕泰無
君君如聽臣則即日殪之以除幕府蠹害義輝曰卿
逆旅之賓彼畿甸之主部下在邦城恐其不克謙信
曰臣與彼會而以口論相爭處斫之雖咫尺之兵不
能如之何矣耳義輝危之而弗聽謙信曰然則臣當
就國渠等叛逆之機已芽若有變則適賜書臣入撥
亂反正耳義輝領焉足利季世
記手錄

○武邊吐聞書云永祿五年五月謙信巡視京師

及界浦住吉宇治察松永等有異謀十二月告暇
臨發竊告曰三好松永之徒有異謀之兆機如發
則請速賜羽書居三年長慶死義輝使大和兵部
來謂曰長慶已歿請速西上誅戮餘類於是強信
整旅將西上三好松永之徒漏聞謂強信入京則
宿志弗果急發行弑逆云

初強信臨發三樂計議擁憲攻踰三國嶺而入厩橋
城促去年交和國人謀伐小田原長野業正橫瀨成
繁桐生直綱澁川義勝宇都宮佐竹佐野等陣代屬
之分北武藏松山兵歷河越城勢多郡及桐生小俣

等兵備忍城佐竹義重多氣貞國多賀谷政経等自
江戸關宿里見士隊長正木時繼率兵自千葉進千
葉親胤邀戰敗而入佐倉城里見義弘濟三浦正木
時忠等略金澤逐小田原成兵三樂率兵三千自
為先鋒長尾兄弟本莊繁長次之憲改中軍騎兵六
千長尾謙忠北城長國為後軍東上野國人兵五千
先方兵一萬藉陣于武藏野氏康子氏照將兵二萬
邀戰于多麻都築之間失利而退越師乘機濟酒匂
川進薄城下接戰累日越師以去年不得志竭力奮
擊城兵屢失利氏政乞援於甲斐信玄以與謙信有

約不聽使者三反猶不可氏改與今川氏真使者俱
往乞師不罷於是信玄使高坂昌信焚長沼市河地
厩飯山野尻城視兵於越後漫錄中改景景持馳人
告之憲改三樂乃相議謂信玄背約侵掠西上野留
後兵亦微對前後敵甚危矣且新附國人懷異解散
則敗亡如去年矣不如收軍也閏三月三樂及謙忠
作龍蛇備而收軍於厩橋本莊新發田等與憲改還
越後昌綱亦引兵歸于海津漫錄謙信還國聞信玄背
約大恚與諸臣議伐甲使各進策覽之曰善哉策也
然上策彼所知中策既試之下策出其不意我有取

焉文集八月帥師一萬三千令義清為先鋒河田親章
本莊繁長高梨賴治為申驅折碕景家北城長國大
關親益為後繼齋藤朝信等為遊軍長尾政景飯野
景久等為監軍入信濃經善光寺涉犀川市村渡歷
丹波嶋川中嶋踰御幣川千曲川藏科三大河由赤
坂山清野而軍貝津東妻妾山諸書作西條山今從退私錄稿壤先
是信玄城貝津或作津以備越是時謙信意謂信玄如
不出則取貝津耳矣夜話此役也謙信自分必死故軍
于死地二十四日信玄自甲府抵川中嶋分隊為十
二段對雨宮瀨布陣燬橋以截要路越師如在括囊

中衆僉危懼信顏色不變言笑自若謂人曰我與
信玄挑戰數十回彼能鍊武對揚如恒則不可得贏
矣強戰則取敗必矣願伺微隙與彼接手欲以決雌
雄未得其期對抗三日二十七日信玄率騎三十許
登赤坂山望越營二十九日退踰廣瀨而入貝津城
謙信問策於諸將良勝曰我師未去彼胡為退矣然
則棄貝津也臣謀彼如例延斯^期以俟乎矣詰明日回
師矣或勸罷師謙信弗聽九月九日信玄與山本道
鬼謀分作二軍先發兵一萬二千^{輝虎注三伏攻妻}
妾山自以兵八千軍川中嶋前宵謙信自山上望見

炊烟良勝言曰信玄持戰也乃與良勝議召義清改
景曰天文丁未歲余年甫十八信玄二十七初構兵
每為彼據勝地未得逞戰者十有五年今既軍死地
明日之事吾識彼所圖彼縱前軍擊我營勝敗皆期
於我軍濟水而退與後軍夾擊也我今宵濟水出彼
不意比彼前軍未回急襲彼中軍躬自與信玄擊刺
矣妻妾山中間不過里餘彼前軍一時而可達後戰
我必不利矣使景^{時持}率兵一千餘屯雨宮葛尾可救
敗軍也越師之在此也每早作食必餘三日之糧故
炊烟不起乃張疑兵營中其夜二鼓自帶甲下山歷

清野踰赤坂渡及御幣川抵川中島左網嶋右御幣
川後丹波嶋分隊十二使良勝兵二千備大塚西為
遊軍令繁長及色部大河神播下條五隊曰甲兵對
妻妾山者踰水來拒備五隊各備千曲川岸化寺尾
渡三町餘南北面布陣信濃人升上清正高梨正賴
二隊涉千曲川右網嶋而陣令中條兵二郎司輜重
兵二千陣于鹽坂渡南北是宵月晴朗午夜雨降不
辨東西謙信濟兩宮渡甲兵猶未知及明霧霧稍散
見旌旗咫尺甲衆遽呼信玄使浦野某視報曰敵退
信玄異問其狀如何曰謙信以次廻匝各隊望犀川

而去信玄大驚曰汝言過矣是車進之陣也我一世
之大過在此時矣命衆急改部列以待既而兩軍交
戰各隊鏖戰衆咸當敵格鬪不得相援謙信自撤旗
幟白布裹頭著大躍甲綠鍛衫乘放生駘把刀直突
中軍直江市兵衛等六人從左右奮擊縱橫謙信與
信玄長子義信鬪義信被創三處左右阻之

○上杉謙信申狀云謙信揭團扇傳令縱射了銃
勵衆督戰長尾政景為左隊齋藤下野等為右隊
柳碕和泉柴田因幡自中路為先驅謙信繼之三
道分隊而進信信玄亦督騎兵八千發喊縱銃矢如

飛霰讓信嚴勵接槍黑烟蔽空甲前軍飯富昌景
元山伊豆等精兵七百餘奮擊死戰柳碕柴田軍
氣沮退二町餘昌景等追躡信玄中軍兵機虛透
讓信望見進毘宇旗揮團奮勵是兵八百餘自中
路進與武田義信今福諸角等數千兵戰恰如亂
算讓信望義信之前自跳騎揮刀斫義信三回義
信墜騎左右扶載而去○武隱叢話引河窪與左
衛門語曰天文二十三年八月十八日戰讓信與
義信戰義信被傷三處左右救之讓信進入斫信
玄○同書引藤田能登守河窪與左衛門語云弘

